

# PERPUSTAKAAN AWAM PASIR GUDANG


KERATAN AKHBAR BERKAITAN PASIR GUDANG

10 MAC 2019

AHAD



AKHBAR	TAJUK BERITA	M/S
SINAR HARIAN	TIADA PINDAAN AKTA	2
SINAR HARIAN	'SUNGAI DAH LAMA TERCEMAR'	3
SINAR HARIAN	POLIS BURU DALANG	4
HARIAN METRO	POLIS BURU DALANG BUANG SISA KIMIA	5
HARIAN METRO	JUMLAH MANGSA CECAH 79 ORANG	6
UTUSAN MALAYSIA	MANGSA KES PEMBUANGAN TOKSIK MENINGKAT	7



## Tiada pindaan akta

**Kerajaan hanya tingkat penguatkuasaan terhadap pelaku cemar alam sekitar**

RAZIATUL HANUM  
A RAJAK@ATAN

PASIR GUDANG

Kerajaan tidak berhasrat meminda Akta Kualiti Alam Sekeliling 1974 susulan kes pencemaran sisa kimia berjadual di Sungai Kim Kim, di sini, kelmarin.

Timbalan Menteri Kementerian Tenaga, Sains, Teknologi, Alam Sekitar dan Perubahan Iklim, Isnaraissah Munirah Majilis berkata, kerajaan bagaimanapun akan meningkatkan penguatku-



Isnaraisah pada sidang media selepas taklimat kes pencemaran Sungai Kim Kim, semalam.

asaan.

"Kita akan tingkatkan 100 peratus penguatkuasaan kepada mereka yang mencemarkan alam sekitar dan kes Sungai Kim Kim ini satu contoh yang kita akan

ambil tindakan dan pandang serius.

"Kalau sebelum ini nampak berleluasa tapi kali ini kita akan betul-betul jalankan penguatkuasaan terhadap mereka yang me-

langgar akta," katanya pada sidang media di Menara Aqabah Majlis Perbandaran Pasir Gudang, semalam.

Dalam pada itu, beliau berkata, Jabatan Alam Sekitar (JAS)

info

Akta dimaksudkan ialah Akta Kualiti Alam Sekeliling 1974

akan menjalankan tiga kaedah bagi mengesan pelaku yang menyebabkan pencemaran sisa kimia di Sungai Kim Kim.

"Kaedah pertama ialah *morphological characteristics analysis* bagi mengenal pasti bentuk bahan berkenaan sama ada cecair, gas atau serbuk.

"Kaedah kedua pula ialah *finger printing* bagi mengesan elemen unik dalam bahan tersebut supaya dapat mengenal pasti pelaku," katanya.

Menurutnya, kaedah ketiga yang dijalankan ialah *profiling* bahan untuk mengenal pasti rantaian bahan bermula daripada pengeluar, pembuat, pembekal dan pembeli.





# SINAR HARIAN

SINAR HARIAN • AHAD 10 MAC 2019

19

## PECHEMARAN SUNGAI KIM KIM

### 'Sungai dah lama tercemar'

**Pembuangan sisa kimia didakwa telah lama berlaku di Sungai Kim Kim**

SHAFIQ TINO

JOHOR BAHRU



**MOHD ZAKI**



**ZULKIFLY**

Penduduk mendakwa pembuangan sisa kimia yang mengakibatkan pencemaran Sungai Kim Kim telah berlaku sejak beberapa tahun lalu. Bagaimanapun, mereka mendakwa, keadaan terkini sehingga menyebabkan pulihan mangsa dimasukkan ke hospital adalah yang terburuk pernah berlaku kerana daripada per-



buatan tidak bertanggawab itu. Penduduk Kampung Bukit Pahi, Zulkifly Kasim, 50, berkata, sejak mendiami kawasan berkenaan 15 tahun lalu keadaan sungai di kawasan itu sering berubah warna disyaki akibat menerima pembuangan sisa kimia dan sampah sarap. "Saya menatap di sini sejak 2004, pada ketika itu air sungai ini jernih dan mempunyai banyak hidu-

**info**  
Dakwa keadaan air sungai sering berubah warna akibat pembuangan sisa kimia

"Kami telah beberapa kali mengajukan aduan kepada pihak berkuasa tempatan (PBT) namun tiada tindakan diambil", katanya. Sementara itu, seorang lagi penduduk kampung, Mohd Zaki Hitam, 50, berkata, bau bahan kimia terbahit mula berketangang semalam berbanding hari sebelumnya.

"Mash ada bau di sungai ini, tapi tidaklah seteruk semalam."

"Saya dan keluarga mengambil langkah berjaga-jaga, kami hanya duduk di rumah dan tidak keluar kerana apabila tiada tindakan penguatkuasaan diambil.



Zulkifly menunjukkan keadaan air di Sungai Kim Kim.

### Penutupan sekolah terjejas dilanjutkan sehingga Isnin

**JOHOR BAHRU** - Penutupan Sekolah Kebangsaan (SK) dan Sekolah Menengah Kebangsaan (SMK) Taman Pasir Putih, Pasir Gudang yang terjejas akibat pencemaran bahan kimia dilanjutkan satu hari lagi sehingga Ahad.

Timbalan Pengarah Pendidikan Negeri Johor, Azman Adnan berkata, lanjutan itu bagi membolehkan kerja-kerja pembaikan sepenuhnya dibuat oleh pihak sekolah sebelum ia dibuka semula bagi tujuan pembelajaran.

"Adalah dimaklumkan bahawa satu Mesyuarat Khus Jawatankuasa Bantuan Bencana Lumpahan Sisa Kimia Di Sungai Kim Kim Pasir Gudang telah diadakan pada hari ini (semalam).

"Berdasarkan maklum balas, semua pihak telah bersetuju untuk mengesyorkan kesdian sekolah ini ditutup sehingga Ahad (hari ini) dan dibuka semula Isnin," katanya kepada Sinar Harian.



SK Taman Pasir Putih yang terjejas akibat pencemaran sisa kimia di Sungai Kim Kim.

Azman berkata, makluman tersebut juga telah disampaikan kepada warga sekolah dan Pejabat Pendidikan Daerah Pasir Gudang untuk tindakan susulan.

"Jabatan mengucapkan ribuan terima kasih kepada semua jabatan dan agensi terlibat, ibu bapa dan seluruh masyarakat yang telah membantu menangani isu bencana yang melibatkan dua sekolah

### Semak CCTV kesan lori buang sisa kimia

**PASIR GUDANG** - Jabatan Alam Sekitar (JAS) Johor akan memeriksa kamera litar tertutup (CCTV) bagi mengesan lori tangki yang melalui kawasan sekitar Pasir Gudang menuju ke Sungai Kim Kim.

Pengarahnya, Datuk Dr. Mohammad Ezanni Mat Salleh berkata, pihaknya tidak teragak-agak mengambil tindakan mandatori kepada pelaku yang menyebabkan pencemaran sisa kimia berkenaan.

"Kita bekerjasama dengan polis untuk mengesan lori mana-mana syarikat melalui rakaman CCTV di semua lampu isyarat kawasan sekitar Pasir Gudang jam 11, malam ke atas sebelum tarikh kejadian tersebut.

"Dari situ kita boleh mengesan suspek sebenar. Kita tidak teragak-agak ambil tindakan mandatori ke atas pihak terlibat," katanya



**DR. MOHAMMAD EZANNI**

selepas sesi taklimat kes pembuangan sisa kimia kepada Majlis Perbandaran Pasir Gudang, di sini, semalam. Mengulas lanjut, beliau menjangkakan pelaku yang membuang sisa kimia berjadual ke Sungai Kim Kim hingga menyebabkan 79 mangsa dirawat di hospital itu berada sekitar kawasan Pasir Gudang.

"Kita jangkakan pelaku tidak jauh dari kawasan ini. "Siasatan tertumpu

pada 30 kilang kimia yang beroperasi di kawasan sekitar namun pihaknya juga bekerjasama dengan Lembaga Pelabuhan Johor bagi mengesan mana-mana kapal yang mencurigakan.

Dalam pada itu, beliau berkata, meskipun kualiti udara sudah kembali stabil namun ketika kerja pembersihan dijalankan kualiti udara dijangka kembali tidak stabil.

"Ini di luar jangkaan kita. Apabila kita nak korek segala sisa, pengelapan ke udara akan berlaku," katanya.

Ditanya sama ada dua sekolah berdekatan lokasi sudah boleh dibuka semula, Dr. Mohammad Ezanni berkata, keadaan masih belum stabil.

Katanya, kerja-kerja pembersihan dijangka mengambil masa lima hari namun tarikh sebenar masih belum dapat ditentukan.





# SINAR HARIAN

AHAD | 10 MAC 2019 | 3 REJAB 1440 | BIL: 4555 | PP11200/02/2013 (031412) [sinarharian.com.my](http://sinarharian.com.my) SinarOnline SinarHarian

# POLIS BURU DALANG

PENCEMARAN SUNGAI KIM KIM

18

Polis Johor buka kertas siasatan, kesan pihak yang membuang sisa kimia secara haram di Sungai Kim Kim, Pasir Gudang

**“ Kita cari pelakunya sebab membuang toksik seperti itu adalah jenayah.”** - Ketua Polis Johor, Datuk Mohd Khalil Kader Mohd



JABATAN ALAM SEKITAR GUNA CCTV BANTU POLIS 19





# HARIAN METRO

6 SEMASA!

KOSMO! AHAD 10 MAC 2019

Jumlah mangsa terhidu gas beracun di Johor meningkat kepada 79 orang

## Polis buru dalang buang sisa kimia

Oleh SHARKAWI LONDING

**JOHOR BAHRU** – Polis Kontingen Johor sehingga kini menerima lima laporan polis membabitkan kes pembuangan sisa kimia berbahaya yang dikenal pasti sebagai gas metana ke Sungai Kim Kim, Pasir Gudang sehingga memaksa 79 orang mendapatkan rawatan di hospital sejak kelmarin.



**MOHD. KHALIL**

Ketua Polis Johor, Datuk Mohd. Khalil Kader Mohd. berkata, 278 Kamun Keseksian kerana menyebabkan udara berbahaya kepada nyawa manusia. Menurutnya, polis turut menyiasat kes tersebut mengikut Seksyen 294 Kamun Keseksian kerana cuai berkaitan bahan beracun sehingga membahayakan nyawa manusia.

"Kami menerima lima lapo-

ran polis yang dibuat keahua pelajar serta orang awam yang terbit dalam kejadian itu sejak semalam (kelmarin). "Tindakan membuang sisa kimia berbahaya di kawasan tidak sepatutnya merupakan satu tindakan yang tidak bertanggungjawab.

"Secara terang-terangan ia tidak menghiraukan keselamatan serta nyawa manusia apa lagi alam sekitar," katanya pada sidang akhbar selepas pelancaran Hari Bertemu Pelanggan Mega Polis

Diraja Malaysia Johor di Ibu Pejabat Polis Kontingen Johor di sini semalam.

Mohd. Khalil berkata, polis akan bekerjasama dengan Jabatan Alam Sekitar (JAS) negeri bagi mengesan dalang yang membuang sisa bahan kimia tersebut.

Jelangnya, selain bekerjasama

dengan JAS, pihaknya mendedahkan kepada Jabatan Alam Sekitar (JAS) untuk disiasat, termasuk meryahkannya kepada Jabatan Kimia.

Khamis lalu, *Kosmo!* melaporkan lebih 1400 pelajar Sekolah Menengah Kebangsaan (SMK) Pasir Putih dan Sekolah Kebangsaan (SK) Pasir Putih diarahkan mengosongkan kawasan sekolah pada pukul 10.30 pagi apabila beberapa pelajar muntah dan pengsan selepas terhidu gas metana. Empat orang termasuk dua pelajar SMK Pasir Putih, seorang pengusah kantin dan pemandu ambulans masih berada di Unit Rawatan Rapi Hospital Sultan Ismail (HSI).

Kejadian itu dipercayai berpunca daripada pembuangan bahan kimia ke dalam Sungai Kim Kim oleh pihak tidak bertanggungjawab. Sementara itu, jumlah mangsa terhidu gas daripada sisa kimia itu meningkat kepada 79 orang sehingga malam semalam.



**SEORANG** penduduk, Zulkifly Kassim, 50, menunjukkan kesan sisa bahan buangan berjadual di Sungai Kim Kim di Kampung Bukit Pulau, Johor Bahru semalam.

Pengerusi Jawatankuasa Kesihatan, Alam Sekitar dan Pertanian negeri, Dr. Sahrudin Jamal berkata, jumlah yang dicatat sejak pukul 9.30 malam itu menyaksikan pertambahan seramai

31 orang.

Beliau berkata, keseluruhan 79 orang itu melibatkan 32 yang dirawat sebagai pesakit luar manakala 47 lagi dirawat di HSI sejak kejadian dilaporkan.

## Dua sekolah ditutup hari ini

**JOHOR BAHRU** – Dua sekolah yang terjejas ekoran pencemaran bau dipercayai gas metana akibat daripada pembuangan sisa kimia di Sungai Kim Kim dekat Pasir Gudang pada Khamis lalu ditutup hari ini.

Dua sekolah yang terlibat ialah Sekolah Menengah Kebangsaan (SMK) Pasir Putih dan Sekolah Kebangsaan (SK) Pasir Putih.

Timbalan Pengarah Pendidikan Johor, Azman Adnan berkata, keputusan tersebut diambil hasil mesyuarat khas jawatankuasa bantuan bencana tumpahan sisa kimia di Sungai Kim Kim, Pasir Gudang.

"Berdasarkan maklum balas pelbagai jabatan dan agensi, kami disyorkan SMK Taman Pasir Putih dan SK Taman Pasir Putih ditutup esok. Sekolah dijangka dibuka pada Isnin ini (esok).

"Makluman telah disampaikan kepada Pejabat Pendidikan Daerah Pasir



**SK PASIR PUTIH** akan ditutup hari ini ekoran pencemaran sisa kimia di Sungai Kim Kim, Pasir Gudang, Johor Bahru, Khamis lalu.

Gudang dan dua sekolah terlibat iaitu SMK Pasir Putih dan SK Pasir Putih Pasir Gudang," katanya dalam satu kenyataan di sini semalam.

Dalam pada itu, Jabatan Alam Sekitar akan menjalinkan kerjasama dengan polis bagi memeriksa kamera litar ter-

tutup (CCTV) berdekatan dengan lokasi pembuangan sisa kimia tersebut.

Pengarahnya, Datuk Dr. Mohammad Ezanni Mat Salleh berkata, CCTV termasuklah melibatkan rakanman di setiap lampu isyarat dan jalan menuju ke Sungai Kim Kim.

## Tiga kaedah kesan punca pencemaran

**JOHOR BAHRU** – Jabatan Alam Sekitar (JAS) melalui analisis Jabatan Kimia akan menjalankan tiga kaedah bagi mengesan punca bahan kimia yang dibuang di Sungai Kim Kim, Pasir Gudang sekali gas mengenal pasti individu yang bertanggungjawab berhubung insiden itu.

Timbalan Menteri Tenaga, Sains, Teknologi, Alam Sekitar dan Perubahan Klimat (MESTECC), Isnaraissah Munirah Majilis berkata, tiga kaedah tersebut melibatkan analisis karakter morfologi, kesan cap jari dan kaedah profil.

"Bagi kaedah analisis karakter morfologi, kami akan kenal pasti bentuk bahan sama ada dalam bentuk cecair, gas ataupun serbuk.

"Bagi kesan cap jari pula, JAS akan mengenal pasti identiti selain mengesan elemen unik dalam sebatian bahan tersebut, ia dilaku-

kan supaya kita kenal pasti identiti pelaku.

"Menerusi kaedah profil, kami akan mengesan rantaian bermula daripada pengeluaran, pembuat, pembekal sehinggalah pembeli bahan buangan itu," katanya ketika ditemui pada sidang akhbar selepas Taklimat mengenai kes itu di Menara Agabah, Majlis Perbandaran Pasir Gudang di sini semalam.

Isnaraissah berkata, bagaimana pun pihaknya masih belum mengesahkan tempoh masa bagi keputusan tersebut dapat dikeluarkan.

"Siasatan dijalankan di bawah Seksyen 34B, Akta Kualiti Alam Sekeliling 1974 dan jika sabit kesalahan denda maksimum boleh dikenakan sehingga RM500,000 atau penjara tidak lebih lima tahun atau kedua-duanya sekali," katanya.





# HARIAN METRO



## PENCEMARAN SUNGAI KIM KIM

### Mentaliti rakyat masih sederhana

**PASIR GUDANG** - Pencemaran Sungai Kim Kim membuktikan usaha menanam semangat cinta sungai kita yang telah lama dilaksanakan gagal.

Pengarah Pusat Kampus Kelestarian Universiti Teknologi Malaysia (UTM), Prof Madya Dr Mohd Fadhl Md Din berkata, pencemaran berlaku kerana mentaliti rakyat masih sederhana.



**Mentaliti berpuluh tahun sejak negara mencapai kemerdekaan masih di tahap sederhana.**

- Mohd Fadhl

Penjwaan mengenai semangat mencintai sungai telah lama dilaksanakan menerusi aktiviti sekolah, kajian setempat, kepedulian sektor korporat serta misi bersama agensi swasta dan kerajaan.

"Tidaklah gagal tetapi mentaliti berpuluh tahun sejak negara mencapai kemerdekaan masih di tahap sederhana," katanya kepada Sinar Harian.

Menurutnya, program pembersihan sungai juga mengalami

kemerosotan kerana kurangnya sokongan berterusan.

"Bagi memperkasa program dan meningkatkan kepedulian masyarakat mengenai isu pencemaran sungai seperti ini, dicadangkan penubuhan seperti jawatankuasa tidak berstruktur seperti yang dilaksanakan di beberapa negara maju.

"Keterlibatan bukan kerajaan (NGO), pendidik setempat, pemangku taruh, sektor korporat diletakkan di bawah satu entiti seperti majlis permafakatan penduduk atau taman atau daerah," katanya.

Beliau berkata, sikap peduli alam sekitar akan lebih konstruktif dan mempunyai perlanggaran yang jelas sekiranya diperkukuh menerusi wacana santai yang berterusan.

"Sudah tentu ia melibatkan sokongan berterusan yang bukan bermusim dan memerlukan lonjakan paradigma yang baru.

"Dunia pada hari ini memerlukan sinergi berterusan dan cukuplah insiden di Pasir Gudang ini adalah garis penamat tanpa ada lagi insiden sama berulang," katanya.

### Polis buru dalam buang sisa kimia

**JOHOR BAHRU** - Polis Johor telah membuka kertas siasatan berhubung kes pembuangan sisa kimia secara haram di Sungai Kim Kim, Pasir Gudang.

Ketua Polis Johor, Datuk Mohd Khalil Kader Mohd berkata, pihaknya sedang giat mengesan pihak atau individu yang melakukan jenayah berkenaan.

"Walaupun Jabatan Alam Sekitar (JAS) telah lakukan siasatan, kami ingin jelaskan polis juga membuat perkara yang sama. Kita nak kosan pelaku ini sebab membuang toksik seperti itu adalah jenayah.

"Dalam perkara ini, pelaku juga tidak mengambil kira kesihatan penduduk malah tidak merasa bersalah merosakkan ekosistem sungai di sana," katanya.

Beliau berkata demikian selepas menyempurnakan Karnival Hari Bertema Pelanggan Polis Kontinjen Johor, di Ibu Pejabat Kontinjen (IPK) Johor, di sini, semalam.

Mohd Khalil berkata, sebanyak lima laporan polis telah diterima pihaknya berhubung kejadian yang berlaku itu.



Mohd Khalil (kanan) beramah mesra dengan orang ramai yang hadir di Karnival berkenaan.

"Dari hari kejadian, kita dah terima lima laporan polis yang dibuat oleh keluarga mangsa sendiri. Jadi kami memang memandang serius perkara ini dan akan cuba selesaikannya secepat mungkin.

"Buat masa ini saya tidak boleh dedahkan duli sebab kita pun sedang bekerjasama dengan JAS dalam perkara ini," katanya.

Subhungan itu, beliau turut berharap orang ramai dapat membantu menyalurkan maklumat sekiranya

melihat sebarang kejadian yang mencurigakan berlaku.

"Perkara ini penting jika orang terdakat dan sekeliling kawasan itu nampak berlaku yang pelik, terus laporkan sahaja kerana kita amat mementingkan maklumat.

"Bila ada sumber macam ini, sekarang-kurangnya nanti kita dapat juga kesan cara kegiatan atau pun jenis loji apa yang digunakan," katanya.

Katanya, kes akan disiasat mengikut Seksyen 278 dan 284 Kanun Keseksaman.

## Jumlah mangsa cecah 79 orang

**Bagaimanapun, tiada kes baharu dilaporkan sehingga pagi semalam.**

"Sehingga 8 Mac jam 9.30 malam, Jabatan Kesihatan Negeri Johor melaporkan pertambahan 31 orang menjadikan jumlah keseluruhan 79 orang.

"Enam orang menerima rawatan di Unit Rawatan Rapi (ICU) dengan tiga orang masih *incubate* dan keseruannya stabil," katanya selepas merasmikan Program Gotong-Royong Mega Perangi Aedes L0 Peringkat Negeri Johor, di Taman Kota Masai, semalam.

Katanya, 31 mangsa masih lagi dirawat di Hospital Sultan Ismail melibatkan dua kanak-kanak, lapan murid sekolah rendah, tujuh pelajar sekolah menengah, 14 dewasa termasuk tiga anggota pasukan perubatan dan kesihatan.

Subhungan itu, beliau masih



Dr Sabrudin (dua kanan) meninjau pameran bukalan denggi di program Gotong-Royong Mega Perangi Aedes L0 Peringkat Negeri Johor di Taman Kota Masai, semalam.

terutama yang berada di kawasan sekitar Sungai Kim Kim agar mendapatkan rawatan segera sekiranya ada gejala pedih mata, sakit dada dan sesak nafas apabila mengesyaki

terhidu dan terdedah kepada sisa toksik tersebut.

"Pemantauan anggota yang terlibat di tempat operasi diteruskan bagi memastikan tahap kesihatan

sentiasa baik," katanya.

Dalam pada itu, Dr Sabrudin berkata, pembersihan Sungai Kim Kim akan dilakukan selepas kerja-kerja pemeriksaan selesai.

"Memandangkan pencemaran membabitkan sisa kimia berbahaya jadi pasukan seperti pihak berkuasa tempatan (PBT), Jabatan Alam Sekitar (JAS), Hazmat (Pasukan Unit Bahan Berbahaya Jabatan Bomba dan Penyelamat) akan terlibat sama dalam pemeriksaan.

"Hari ini (semalam) ada pasukan periksa keadaan sungai dari dari situ kita baru boleh tentukan kontraktor mana serta tempoh pembersihan itu," katanya.

Menurutnya, pembersihan akan dilakukan oleh kontraktor terpilih profesional yang telah biasa dengan sisa kimia berjadual.

RAZIATUL HANUMA RAJAK@ATAN

PASIR GUDANG

**M**angsa pencemaran bahan kimia berjadual di Sungai Kim Kim yang mendapat rawatan di hospital kini mencecah 79 orang sehingga semalam.

Exco Kesihatan, Alam Sekitar dan Pertanian, Dr Shahrudin Jamal berkata, bagaimanapun tiada kes baharu dilaporkan bermula jam 12 tengah malam kelmarin.





# UTUSAN MALAYSIA

DALAM NEGERI 3

MINGGUAN MALAYSIA • AHAD 10 MAC 2019

## Mangsa kes pembuangan toksik meningkat

**PASIR GUDANG 9 Mac** - Kejadian pembuangan toksik di Sungai Kim Kim di sini semakin serius berikutan mangsa yang dirawat akibat terhidu gas kimia itu kini meningkat kepada 79 orang.

Setakat pukul 9.30 malam tadi, sebanyak 31 kes baharu dilaporkan setelah mangsa mengadu pening kepala, muntah, sakit tekak dan pedih mata.

Pengerusi Jawatankuasa Kesihatan, Alam Sekitar dan Pertanian negeri, Dr. Sahrudin Jamal berkata, mengikut trend yang ditunjukkan, gejala berkenaan berlaku pada malam hari ekoran peningkatan kes yang dilaporkan, sementara itu tiada laporan kes baharu diterima sejak

awal pagi ini.

Menurutnya, jumlah itu membabitkan 32 individu yang dirawat sebagai pesakit luar dan 47 yang dirawat di Hospital Sultan Ismail di Johor Bahru sejak kejadian dilaporkan Khamis lalu.

"Daripada 47 yang dirawat di HSI, 16 telah dibenarkan pulang, manakala 31 yang lain masih berada di wad, termasuk enam yang ditempatkan di Unit Rawatan Rapi (ICU).

"Seramai 31 mangsa itu ialah dua kanak-kanak, 15 pelajar sekolah dan 14 orang dewasa, ini termasuk tiga petugas perubatan," katanya.

Beliau berkata demikian dalam sidang akhbar selepas



SAHRUDDIN JAMAL



Sisa kimia: 35 sesak nafas, muntah, pangsang

Siasat slipu suang sisa kimia - Exco

KERATAN Utusan Malaysia kelmarin.

merasmikan Program Gotong-royong Mega Perangi Aedes 1.0 Peringkat Negeri Johor 2019 di Taman Kota Masai di sini hari ini.

Khamis lalu, dua buah sekolah di Taman Pasir Putih di

sini membabitkan kira-kira 1,600 pelajar terpaksa ditutup ekoran terhidu bahan kimia yang dipercayai dibuang secara haram di Sungai Kim Kim kira-kira 500 meter dari kedua-dua sekolah itu.

## Sektor perkapalan, kilang kimia terlibat - JAS

**PASIR GUDANG 9 Mac** - Jabatan Alam Sekitar (JAS) mengenal pasti pihak daripada dua sektor lafau perkapalan dan kilang kimia yang bertanggungjawab membuang sisa kimia dalam Sungai Kim Kim di sini kelmarin.

Pengarah JAS negeri, Datuk Dr. Mohammad Ezami Mat Salleh berkata, pihaknya sudah menyenaraikan 30 kilang kimia di daerah itu untuk disiasat dalam usaha mengesan pihak yang bertanggungjawab.

"Pihak JAS juga akan bekerjasama dengan Lembaga Pelabuhan Johor bagi mengesan kapal-kapal yang membawa minyak ke kawasan berkenaan.

"Ini merupakan kali pertama bagi kes pembuangan bahan buangan berjadual ke dalam

sungai, biasanya berlaku di darat dan di tengah laut," ujarnya.

Beliau berkata demikian kepada pemberita selepas hadir taklimat kejadian kes pencemaran pembuangan bahan kimia metana secara haram ke Sungai Kim Kim di sini hari ini.

Taklimat turut dihadiri Timbalan Menteri Tenaga Sains, Teknologi dan Alam Sekitar, Isnaraisah Munirah Majlis.

Kelmarin Sekolah Kebangsaan (SK) Pasir Putih dan Sekolah Menengah Kebangsaan (SMK) Pasir Putih yang membabitkan kira-kira 1,600 pelajar terpaksa ditutup ekoran terhidu

bahan kimia yang dipercayai dibuang secara haram di Sungai Kim Kim kira-kira 500 meter dari kedua-dua sekolah itu.

Mohammad Ezami berkata, pihaknya turut akan bekerjasama dengan pihak polis bagi memeriksa rakaman kamera litar tertutup (CCTV) di setiap lampu isyarat dan jalan di Pasir Gudang menuju ke Sungai Kim Kim bagi mengesan pihak yang membuang sisa

kimia haram terbabit.

Beliau berkata, pemeriksaan itu nanti memberi tumpuan melibatkan rakaman lori atau individu mencurigakan yang

melintasi Pasir Gudang menuju ke kawasan sekitar pukul 11 malam sebelum hari kejadian.

"Kita jangka mereka yang bertindak membuang sisa bahan kimia ke dalam Sungai Kim Kim ini adalah yang berada berhampiran kawasan Pasir Gudang.

"Sebab itu kita mengenal pasti suspek daripada dua sektor iaitu perkapalan dan kilang kimia," katanya.

Ditanya mengenai keadaan semasa di lokasi kejadian, beliau memberitahu keadaan kualiti udara di kawasan tersebut be-ransur stabil dan kerja-kerja pembersihan masih dijalankan.

Katanya, kerja pembersihan sungai itu sepanjang 1.3 kilometer ke hulu sungai dijangka memakan masa lima hari.

## Buang sisa kimia: Polis buka kertas siasatan

**JOHOR BAHRU 9 Mac** - Polis membuka satu kertas siasatan berhubung kejadian pembuangan sisa bahan kimia di Sungai Kim Kim, Pasir Gudang kerana perbuatan itu merupakan jenayah kepada manusia dan alam sekitar.

Ketua Polis negeri, Datuk Mohd. Khalil Kader Mohd. berkata, kesalahannya itu disiasat mengikut Seksyen 278 Kanun Keseksian kerana menjadikannya udara berbahaya kepada kesihatan dan Seksyen 284 kanun sama kerana melakukan cuai berkenaan dengan benda beracun.

Menurutnya, sehingga semalam, polis menerima lima laporan berhubung kejadian

daripada keluarga pelajar dan penduduk sekitar kawasan kampung yang terjejas, semua laporan itu diterima Ibu pejabat Polis Daerah (IPD) Seri Alam.

"Walaupun Jabatan Alam Sekitar (JAS) negeri menjalankan siasatan tetapi polis turut membuka kertas siasatan dan kita akan bekerjasama dengan JAS bagi mengesan pihak yang tidak bertanggungjawab melakukan pembuangan sisa bahan kimia tersebut.

"Mereka tak ambil kira soal keselamatan bukan sahaja orang tapi juga kebersihan sungai, jadi ia satu jenayah, jenayah kepada alam sekitar, jenayah kepada manusia," katanya selepas merasmikan pro-

gram Hari Bertemu Pelanggan Mega PDRM Johor 2019 di Ibu pejabat Polis Kontinjen (IPK) Johor di sini hari ini.

Pada masa sama, Mohd. Khalil turut menyeru mana-mana pihak yang melihat aktiviti mencurigakan di kawasan mereka, tampil memberi maklumat kepada pihak polis di balai berdekatan.

Sementara itu, dalam perkembangan lain, beliau memberitahu, IPK Johor juga menyiapkan buku infografik bermaklumat berkaitan sejarah membabitkan pasukan itu di negeri ini sebagai rujukan pelbagai pihak pada masa akan datang.

"Saya dapati tiada buku klu-

rus berkaitan polis kontinjen Johor dari dahulu sehingga sekarang dan atas sebab itu, kita buat buku itu yang dilak-

kan sejak dua bulan lepas dan apabila siap kelak, akan ditambah baik dari semasa ke semasa selain boleh digunakan untuk rujukan mereka yang mahu membuat kajian berhubung pembangunan polis di negeri ini," katanya.

Selain itu, Mohd. Khalil memberitahu, polis Johor juga dalam proses menubuhkan pasukan pancaragam yang dijanjikan dirasmikan oleh Ketua Polis Negara, Tan Sri Mohamad Fuzi Harun hujung bulan ini bersempena sambutan Hari Polis.

## SK Pasir Putih, SMK Pasir Putih masih ditutup

**JOHOR BAHRU 9 Mac** - Mesyuarat Khas Jawatankuasa Bantuan Bencana Tumpahan Sisa Kimia di Sungai Kim Kim, Pasir Gudang di sini hari ini memutuskan untuk menutup dua sekolah di sini esok yang terjejas akibat pencemaran bahan kimia.

Keputusan menutup Sekolah Kebangsaan (SK) Pasir Putih dan Sekolah Menengah Kebangsaan (SMK) Pasir Putih diputuskan dalam mesyuarat tersebut yang dihadiri pihak berkuasa melibatkan semua agensi kerajaan berkaitan.

Timbalan Pengarah Pendidikan Johor, Azman Adnan berkata, penutupan tersebut bagi membolehkan kerja-kerja pembersihan dilakukan sepenuhnya dibuat pihak sekolah.

Beliau memberitahu, kedua-dua sekolah berkenaan akan dibuka semula bagi tujuan pembelajaran pada Isnin atau 11 Mac 2019.

"Sehubungan itu jabatan ini telah membuat makluman kepada Pejabat Pendidikan Daerah Pasir Gudang dan dua sekolah terlibat iaitu SK Pasir Putih dan SMK Pasir Putih untuk mengambil tindakan susulan pemakluman kepada guru-guru, ibu bapa penjaga dan murid-murid sekolah berkenaan berkaitan penutupan ini."

Jabatan ini mengucapakan ribuan terima kasih kepada semua jabatan dan agensi terlibat, ibu bapa dan seluruh masyarakat yang telah menyuarakan mangnani isu bencana yang melibatkan dua sekolah ini," katanya dalam satu kenyataan di sini hari ini.

Kelmarin, dua sekolah itu yang membabitkan kira-kira 1,600 pelajar terpaksa ditutup ekoran terhidu bahan kimia yang dipercayai dibuang secara haram di Sungai Kim Kim kira-kira 500 meter dari kedua-dua sekolah itu.

